

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik
Broj: 02/12-19-19498/25
Sarajevo, 13.10.2025. godine

Na osnovu člana 64. stav (1) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14 i 59/22 i 50/24) i Pravilnika o javnim nabavkama roba, vršenju usluga i ustupanju radova broj: 02/12-45-25701/22 od 10.12.2022. godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj: 02/12-04-21075/24 od 23.08.2024. godine, a na preporuku Komisije za javnu nabavku radova, Općinski načelnik donosi:

ODLUKU

o izboru najpovoljnijeg ponuđača u predmetu javne nabavke – Uređenje šetališta i Trga Bulevar Branilaca Dobrinje sa pratećom saobraćajnicom i parking prostorima – II faza šetnice

I

Okvirni sporazum u postupku javne nabavke - Uređenje šetališta i Trga Bulevar Branilaca Dobrinje sa pratećom saobraćajnicom i parking prostorima – II faza šetnice, broj obavještenja 422-1-3-122-3-162/25, objavljeno na Portalu javnih nabavki dana 22.8.2025. godine i “Službenom glasniku BiH- Oglasnik javne nabavke” br. 51/25, dodjeljuje grupi ponuđača „SES“ d.o.o. Sarajevo i „Mevludin Commerc“ d.o.o. Sarajevo sa ponudom u iznosu od 551.931,68 KM bez PDV-a, odnosno 645.760,07 KM sa PDV-om.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi okvirni sporazum i dostavi Općinskom načelniku na potpis.

III

Obavezuje se ponuđač iz tačke I ove Odluke da u roku od 5 (pet) dana od dana zaprimanja iste, dostavi dokumentaciju traženu tačkom 3.1.3. koja se odnose na član 45. stav (2) tačka od a) do d) Zakona i dokumentaciju traženu u tački 3.3.2. tenderske dokumentacije koja se odnosi na ekonomsku i finansijsku sposobnost. Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od dana utvrđenog kao krajni rok za predaju ponuda.

Obrazloženje

Odlukom broj 02/12-19-19498/25 od 15.8.2025.godine Općina Novi Grad Sarajevo pokrenula je otvoreni postupak javne nabavke - Uređenje šetališta i Trga Bulevar Branilaca Dobrinje sa pratećom saobraćajnicom i parking prostorima – II faza šetnice, 422-1-3-122-3-162/25, objavljeno na Portalu javnih nabavki dana 22.8.2025. godine i “Službenom glasniku BiH- Oglasnik javne nabavke” br. 51/25. Procijenjena vrijednost nabavke shodno Odluci je 555.555,55 KM bez PDV-a, odnosno 650.000,00 KM sa PDV-om.

Zapisnikom o otvaranju ponuda od 12.9.2025. godine Komisija je konstatovala da su u predviđenom roku, u propisno upakovanim kovertama, pristigle četiri (4) ponude ponuđača:

1. grupa ponuđača „SES“ d.o.o. Sarajevo i „Mevludin Commerc“ d.o.o. Sarajevo sa ponudom cijenom za okvirni sporazum u iznosu od 551.931,68 KM bez PDV-a,
2. „Nexen“ d.o.o. Banja Luka sa ponudom cijenom za okvirni sporazum u iznosu od 555.554,47 KM bez PDV-a.

3. „Dinalsa“ d.o.o. Sarajevo sa ponudnom cijenom za okvirni sporazum u iznosu od 526.374,29 KM bez PDV-a
 4. grupa ponuđača „Teslaluks“ d.o.o. Sarajevo i „Euro Cop Invest“ d.o.o. Bosanska Krupa sa ponudnom cijenom za okvirni sporazum u iznosu od 555.551,10 KM bez PDV-a,
- Zapisnik je dostavljen ponuđačima putem fax-a/e-maila u zakonskom roku.

Nakon što je Komisija utvrdila da su pristigle četiri ponude, pristupila je analizi i ocjeni ponuda u skladu sa uslovima iz tenderske dokumentacije. Komisija je utvrdila da ponuđač „Nexen“ d.o.o. Banja Luka ne ispunjava kvalifikacioni uslov tražen u tenderskoj dokumentaciji iz tačke 3.4.1. a) *da je ponuđač u protekle tri kalendarske godine uspješno izvršio minimalno jedan ugovor koji za predmet ugovora ima iste ili slične radove vrijednosti najmanje 325.000,00 KM sa PDV-om.*

Tačkom 3.4.2. (a) propisano je da se navedeno dokazuje na sljedeći način:
Lista izvršenih ugovora ponuđača da je u protekle tri kalendarske godine uspješno izvršio minimalno jedan ugovor koji za predmet ugovora ima iste ili slične radove vrijednosti najmanje 325.000,00 KM sa PDV-om;;

Uz spisak izvršenih ugovora ponuđač je dužan dostaviti potvrdu za ugovor koji za predmet ugovora ima iste ili slične radove vrijednosti najmanje 325.000,00 KM sa PDV-om; koju je izdala ugovorna strana – naručilac radova, a koja obavezno sadrži: naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenim ugovorima. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, važi izjava ponuđača o uredno izvršenim ugovorima, uz predočenje dokaza o učinjenim pokušajima da se takve potvrde obezbijede; (original ili ovjerena kopija).

Uvidom u dostavljenu ponudu ponuđača „Nexen“ d.o.o. Banja Luka utvrđeno je da su na stranicama od broja 42 do 54 ponude dostavljene potvrde o uredno izvršenim ugovorima:

1. Na stranici br. 42 dostavljena je Potvrda broj 09-11-9-3583/25 od 10.04.2025. godine izdata od strane Općina Novo Sarajevo kojom se potvrđuje uredno izvršenje ugovora od strane „Nexen“ d.o.o. Banja Luka na sanaciji, rekonstrukciji i nadogradnji javne rasvjete na području Općine Novo Sarajevo za MZ u ukupnom iznosu od 309.826,13 KM sa PDV-om;
 2. Na stranici br. 44 ponude dostavljena je Potvrda broj IZL-112/2023 od 23.10.2023. godine izdata od strane WS Light d.o.o. Pale kojom se potvrđuje uredno izvršenje ugovora od strane „Nexen“ d.o.o. Banja Luka za nabavku materijala i izvođenje radova na izgradnji rasvjete na osvjetljenju ski staze Skočine, Jahorina u iznosu od 539.471,00 KM bez PDV-a;
 3. Na stranici broj 46 ponude dostavljena je Potvrda broj 01-02.2-2113-2/25-DB od 25.03.2025. godine izdata od strane JP Ceste Federacije BiH d.o.o. Sarajevo kojom se potvrđuje uredno izvršenje ugovora od strane „Nexen“ d.o.o. Banja Luka na izgradnji rasvjete raskrsnice cesta M6.1 i M16.5 u mjestu Karlov Han u iznosu od 102.868,78 KM sa PDV-om;
 4. Na stranici broj 48 ponude dostavljena je Potvrda broj 05-19-9426/24 od 13.12.2024. godine izdata od strane Grad Bosanska Krupa kojom se potvrđuje uredno izvršenje ugovora od strane „Nexen“ d.o.o. Banja Luka na uređenju javnih površina – ul. 511 Sbbr i Trg Alije Izetbegovića segment V - javna rasvjeta u iznosu od 77.828,01 KM sa PDV-om;
 5. Na stranici broj 50 ponude dostavljena je Potvrda broj 02/1-5365/24 od 23.07.2024. godine izdata od strane Općina Kakanj kojom se potvrđuje uredno izvršenje ugovora od strane „Nexen“ d.o.o. Banja Luka na realizaciji projekta „izgradnja LED rasvjete“ u iznosu od 192.982,02 KM sa PDV-om;
 6. Na stranici broj 52 ponude dostavljena je Potvrda izdata od strane SE-SARAJKA d.o.o. Živinice kojom se potvrđuje uredno izvršenje ugovora od strane „Nexen“ d.o.o. Banja Luka na izgradnji javne rasvjete kružnog toka „Slatina“ u iznosu od 43.670,25 KM sa PDV-om;
 7. Na stranici broj 54 ponude dostavljena je Potvrda broj 05/11-19-1142/24-JR od 14.08.2024. godine izdata od strane Grad Tuzla kojom se potvrđuje uredno izvršenje ugovora od strane „Nexen“ d.o.o. Banja Luka na sanaciji pješačke zone Korzo, II dio u iznosu od 68.539,50 KM bez PDV-a;
- Iz navedenog je vidljivo da ponuđač nije dostavio najmanje jednu potvrdu za ugovor koji za predmet ugovora ima *iste ili slične radove vrijednosti najmanje 325.000,00 KM sa PDV-om.*

Predmjerom za Uređenje šetališta i Trga Bulevar Branilaca Dobrinje sa pratećom saobraćajnicom i parking prostorima – II faza šetnice je obuhvaćen niz radova od pripremnih radova (demontaža kamenih ploča, skidanja popločanja, štemanje, odvoz, itd.), zemljanih radova, betonskih i armirano-betonskih radova, kamenorezačkih radova, radova na asfaltiranju i popločanju, mobilijar, elektro-radovi, rasvjeta i stubovi, te dostavljene potvrde Komisija nije mogla prihvatiti u smislu uslova postavljenih u tenderskoj dokumentaciji.

Jedina **vrijednosno** prihvatljiva Potvrda broj IZL-112/2023 od 23.10.2023. godine izdata od strane WS Light d.o.o. Pale kojom se potvrđuje uredno izvršenje ugovora od strane „Nexen” d.o.o. Banja Luka za nabavku materijala i izvođenje radova na izgradnji rasvjete na osvijetljenju ski staze Skočine, Jahorina u iznosu od 539.471,00 KM bez PDV-a, se odnosi isključivo na javnu rasvjetu – stubovi, rasvjetna tijela i dizel elektro agregat, dok nisu uključeni ostali radovi poput popločanja, kamenorezačkih radova, mobilijar..., koji iznose oko 50% ukupnih radova iz predmjera.

Uzimajući u obzir da radovi koji su predmet ove javne nabavke, a koji pored javne rasvjete, zauzimaju cca 50% vrijednosti radova, a tu prije svega pored grubih građevinskih radova spadaju i zanatski radovi popločanja trga i kamenorezački radovi oblaganja trgovskih arli – koji obuhvataju posebne tehnike i tehnologije izvođenja radova, konstatujemo da ponuđač nije dokazao traženi uslov iz tenderske dokumentacije..

Na stranici broj 10. ponude u izjavi i na stranici broj 83 ponuđač „Nexen“ d.o.o. Banja Luka se izjasnio da ima namjeru dio ugovora koji se odnosi na *radove* podugovaranjem prenijeti na podugovarača, međutim nije naveo niti opisno niti procentualno koji dio radova će prenijeti na podugovarača. Tačkom 5.9.1. tenderske dokumentacije je definisano: u slučaju da ponuđač u svojoj ponudi naznači da će dio ugovora dati podugovaraču, mora se *izjasniti koji dio (opisno ili procentualno) će dati podugovaraču.*

Iz naprijed navedenog razloga utvrđeno je da ponuda ponuđača „Nexen” d.o.o. Banja Luka ne ispunjava uslove tražene u tenderskoj dokumentaciji iz tačke 3.4.1. (a) – tehnička i profesionalna sposobnost i tačke 5.9.1., odnosno da je ponuda nepravilna, te je ponuda odbačena shodno odredbama člana 68. stav (4) tačka i) Zakona o javnim nabavkama.

Komisija je utvrdila da ponuđač „Dinalsa“ d.o.o. Sarajevo ne ispunjava kvalifikacioni uslov tražen u tenderskoj dokumentaciji iz tačke 3.4.1. a) *da je ponuđač u protekle tri kalendarske godine uspješno izvršio minimalno jedan ugovor koji za predmet ugovora ima iste ili slične radove vrijednosti najmanje 325.000,00 KM sa PDV-om.*

Tačkom 3.4.2. (a) propisano je da se navedeno dokazuje na sljedeći način:

Lista izvršenih ugovora ponuđača da je u protekle tri kalendarske godine uspješno izvršio minimalno jedan ugovor koji za predmet ugovora ima iste ili slične radove vrijednosti najmanje 325.000,00 KM sa PDV-om;

Uz spisak izvršenih ugovora ponuđač je dužan dostaviti potvrdu za ugovor koji za predmet ugovora ima iste ili slične radove vrijednosti najmanje 325.000,00 KM sa PDV-om; koju je izdala ugovorna strana – naručilac radova, a koja obavezno sadrži: naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenim ugovorima. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, važi izjava ponuđača o uredno izvršenim ugovorima, uz predočenje dokaza o učinjenim pokušajima da se takve potvrde obezbijede; (original ili ovjerena kopija).

Uvidom u dostavljenu ponudu ponuđača „Dinalsa“ d.o.o. Sarajevo utvrđeno je da su na stranicama broj 35 i broj 37 ponude dostavljene potvrde o uredno izvršenim ugovorima:

1. Na stranici br. 35 dostavljena je Potvrda broj 03-19-8166/23 od 19.01.2024. godine izdata od strane Općina Centar Sarajevo kojom se potvrđuje uredno izvršenje ugovora od strane „Dinalsa“ d.o.o. Sarajevo na tekućem održavanju dijela pješačke zone Merhemića trg u ukupnom iznosu od 876.821,17 KM sa PDV-om;

2. Na stranici broj 37 dostavljena je Potvrda broj 02/08-23-28707/24 -RMI od 19.12.2024. godine izdata od strane Općina Novi Grad Sarajevo kojom se potvrđuje uredno izvršenje ugovora od strane „Dinalsa“ d.o.o. Sarajevo na zaštiti pješačkih zona Alipašino polje B faza u ukupnom iznosu od 554.073,11 KM sa PDV-om;

Iz navedenog je vidljivo da ponuđač nije dostavio najmanje jednu potvrdu za ugovor koji za predmet ugovora ima *iste ili slične radove* vrijednosti najmanje 325.000,00 KM sa PDV-om. Predmjerom za Uređenje šetališta i Trga Bulevar Branilaca Dobrinje sa pratećom saobraćajnicom i parking prostorima – II faza šetnice je obuhvaćen niz radova od pripremnih radova (demontaža kamenih ploča, skidanja popločanja, štemanje, odvoz, itd.), zemljanih radova, betonskih i armirano-betonskih radova, kamenorezačkih radova, radova na asfaltiranju i popločanju, mobilijar, elektroradovi, rasvjeta i stubovi, te dostavljene potvrde Komisija nije mogla prihvatiti u smislu uslova postavljenih u tenderskoj dokumentaciji. Uvidom u tenderske dokumentacije odnosno predmjere radova na Portalu javnih nabavki za potvrde koje je dostavio ponuđač Dinalsa d.o.o. Sarajevo ustanovljeno je da u sklopu izvedenih radova nije uključena rasvjeta, odnosno elektroradovi, koja iznosi oko 50% ukupnih radova.

Iz naprijed navedenog razloga utvrđeno je da ponuda ponuđača „Dinalsa“ d.o.o. Sarajevo ne ispunjava uslove tražene u tenderskoj dokumentaciji iz tačke 3.4.1. (a) – tehnička i profesionalna sposobnost odnosno da je ponuda nepravilna, te je ponuda odbačena shodno odredbama člana 68. stav (4) tačka i) Zakona o javnim nabavkama.

Uvidom u dostavljenu ponudu ponuđača grupe ponuđača „Teslaluks“ d.o.o. Sarajevo i „Euro Cop Invest“ d.o.o. Bosanska Krupa utvrđeno je da grupa ponuđača ne ispunjava kvalifikacioni uslov tražen u tenderskoj dokumentaciji iz tačke 3.4.1. pod c) *da je ponuđač opremljen neophodnom mehanizacijom za obavljanje predmetnih radova: kamion (kipер) - 1 kom., vibro ploča ili vibro žaba – 1 kom. i mini rovokopač – 1 kom.*

Tačkom 3.4.2. (d) propisano je da se navedeno dokazuje na sljedeći način:

Dokaz o obezbjeđenosti opreme neophodne za obavljanje predmetnih radova: kamion (kipер) - 1 kom., vibro ploča ili vibro žaba – 1 kom. i mini rovokopač – 1 kom. Kao dokaz za kamion se dostavlja ovjerena kopija važeće saobraćajne dozvole. Za radne mašine dostaviti važeću saobraćajnu ili upotrebnu dozvolu; (original ili ovjerena kopija). Ukoliko iz upotrebne dozvole nisu vidljive važeće karakteristike mehanizacije potrebno je dostaviti zapisnik koji to dokazuje. Ukoliko ponuđač nije vlasnik tražene mehanizacije, neophodno je dostaviti ugovor o iznajmljivanju. (original ili ovjerena kopija).

Uvidom u dostavljenu ponudu grupe ponuđača „Teslaluks“ d.o.o. Sarajevo i „Euro Cop Invest“ d.o.o. Bosanska Krupa utvrđeno je da je na stranici broj 82 ponude dostavljena upotrebna dozvola za rovokopač. Iz upotrebne dozvole se ne vidi da li se radi o mini rovokopaču jer nije navedena masa rovokopača, a što je bio uslov u tenderskoj dokumentaciji. Tačkom 3.4.2. pod d) je definisano da ukoliko iz upotrebne dozvole nisu vidljive važeće karakteristike mehanizacije potrebno je dostaviti zapisnik koji to dokazuje.

Iz naprijed navedenog razloga utvrđeno je da ponudu grupe ponuđača „Teslaluks“ d.o.o. Sarajevo i „Euro Cop Invest“ d.o.o. Bosanska Krupa ne ispunjavaju uslove tražene u tenderskoj dokumentaciji iz tačke 3.4.1. (c) – tehnička i profesionalna sposobnost odnosno da je ponuda nepravilna, te je ponuda odbačena shodno odredbama člana 68. stav (4) tačka i) Zakona o javnim nabavkama.

Nadalje, Komisija je pristupila analizi i procjeni ponuda, te utvrdila da dostavljena ponuda grupe ponuđača „SES“ d.o.o. Sarajevo i „Mevludin Commerec“ d.o.o. Sarajevo ispunjavaju formalno-pravne i kvalifikacione uslove tražene u tenderskoj dokumentaciji. Komisija je izvršila računsku kontrolu ponuda te utvrdila da je ponuda računski ispravna.

Nakon što je Komisija utvrdila da je dostavljena jedna prihvatljiva ponuda, a da je obavještenjem o nabavci i tenderskom dokumentacijom bila predviđena e-aukcija, u skladu sa članom 4. stav (2) Pravilnika o uslovima i načinu korištenja e-aukcije, odlučeno je da će se predmetni postupak okončati u skladu sa članom 69. Zakona o javnim nabavkama BiH. Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije za javnu nabavku radova, te je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila: Amisa Bešagić, sekretar komisije

DOSTAVITI:

1. Ponuđaču u postupku
2. Služba za zajedničke poslove
3. Komisija za javne nabavke radova

